



Sámi Nobelfeasta?

KRÖNIKA

Mon ledjen Guovdageainnu odda huksehusa - *Diehtosiidda* - rahpandoaluin skábmamánu álggus. Lei somás beaivi. Ollu ádját mikrofovnnain diedusge, muhto lihkus muhtin áhkut vel. Eahketdoaluin fas ledjedievva čeahpeskulturbargiin lávdi nalde, mat ožžo min (goikes) allaskuvlabargiid dánset vildaládjeunna dán-senláhttis lávddi ovddabealde. Muhtun journalisttat filbmejedje, ja NRK ruovttosiiddus oidnobadál Ruota ja Norgga sámedikkepresideanttat dánseme Duolva duoddarii ("Sametingspresidentena danser"). Monmaid oidnondánsemin, muhto juste dál in áiggo iežan birra hupmat dadi eambbo. Mu jearaldat odne lea oainnat: Mot váikkuha servodahkii, ja mot váikkuha politihkkii, go dál ealligovat presideanttaid feasttain biddjojit njuolgga nehttii?


Mon riŋgejin nuppi beaivvi mu oabbái, gii lea stáhtadiehti Uppsalas, ja mon lohken sutnje čeavlát ahte ledjen darvában govvi dánseme presideanttaiguin. Son geahčai jaskaditfilmma ja su vuosttaš kommentára lei: "Jurddaš jos livččiimet beassan oaidnit politihkkareamet Brysselis festeme nie!"

Na juste Bryssela feasttaide eat várra beasa, vástidin. Muhto Ruotas han lávejit čájehit Nobelfeasttaid TV:as. Ja Diehtosiidda rahpan lea várra Sámi Nobelfeasta. Sara Larssonveláláhttiin go livčči vuordimis Nobelfeasttas: "Det är en fantastisk fest ikväll." Mu oabbá doalahii lihkká ahte ii riehta oro leamen Nobelfeasta, go lei nu partydovdu áimmus. Dánša ii leankontrollerejuvnon válsa, muhto buoret rabas diskoláhtti, logai. Buohkat beasašedje dánset presideanttaiguin jos beare duosttašedje lahkoni!!! Diet lea demokratiija. Politihkkariid lagasvuohta álbmogiin.

Jos dál máhcan iežan váldejearaldahkii muhto gárvodan dan oddasit: Lea go dánsefilmma reklámafilmma mii oazžu eambbo jienasteddjiid Sámedikkeválggaide, vai váikkuha go nuppi guvlui? Mot váikkuha olbmuid stoahkamii, go govvenapparáhtat leat juohke sajis ja olles máilbmi lea šaddame almmolaš arenan? Mon ieš lean positiivalaš nu go álo ja mon árvalan dan dihte ahte: juo, dat lea buorre rekláma nu guhká go olbmot moddjájit govain. Muhto gii diehtá? Okta ášši mii lea sihkar lea ahte čeahpes musihkkarat ja eará kulturbargit dárbbášuvvojit min guoimmuheažžat. Sii dahket juoidá mii oazžu min ealáskit dehe stoahkat dehe mii nu leš. Sii ožžot min hástalit iežamet. Juste dán Samefolketnummaris livččen gearggus lohkat ahte sii ožžot min stoahkat iežamet identitehtaiguin: Egil Olli han fáhkka šattai "rocke-presideantan"! Muhto mon in diede. Dat lea várra eará muitalus...

Ville Söderbaum

Svensk text finns på www.samefolket.se



Govven: TOBIAS BERVING